



**Sud Bosne i Hercegovine**  
**Суд Босне и Херцеговине**

---

Broj: S1 3 Iž 030988 18 Iž  
Sarajevo, 06.11.2018.godine

IZVORNIK!

Sud Bosne i Hercegovine u Sarajevu, u vijeću Apelacionog odijeljenja sastavljenom od sudija Mirsade Džindo, kao predsjednika vijeća, dr Branka Moraita i Dinke Bešlagić-Čovrk, kao članova vijeća, odlučujući o žalbi političkog subjekta Zajedno za BiH, izjavljenoj protiv Zaključka Centralne izborne komisije Bosne i Hercegovine, broj: 05-1-07-5-1274-38/18 od 01.11.2018.godine, u nejavnoj sjednici održanoj dana 06.11.2018.godine, donio je

**R J E Š E N J E**

**Žalba se odbija.**

**O b r a z l o Ź e n j e**

Zaključkom Centralne izborne komisije Bosne i Hercegovine, broj i datum navedeni u uvodu, odbačena je žalba političke stranke BPS-Sefer Halilović podnesena na Odluku II o izmjeni Odluke o utvrđivanju i objavi rezultata Opštih izbora 2018. Godine broj: 05-1-07-1-1274-1/18 od 22.10.2018. godine..

Žalitelj je blagovremeno uložio žalbu na navedeni zaključak. Od bitnih činjenica u žalbi navodi da je propust koji se desio, odnosno da je neovlašteno lice potpisalo žalbu u ime Koalicije posljedica spriječenosti ovlaštenog lica da istu potpiše, ali da je kroz žalbu dao svoju saglasnost sa sadržajem iste i da je kao takvu odobrava, te predlaže da Sud žalbu usvoji, te da CIK BiH odluči da se kompenzacijski mandat dodijeli kandidatu Samiru Paliću sa liste „Zajedno za BiH“, umjesto Nine Bukejlović.

U odgovoru na žalbu Centralna izborna komisija Bosne i Hercegovine je predložila da se žalba odbaci, jer je izjavljena od neovlaštenog lica ili odbije kao neosnovana.

Žalba je neosnovana.

Odredbom člana 4.25. Izbornog zakona BiH propisano je da svaki dokument ili pismeno koje politička stranka, koalicija, nezavisni kandidat ili lista nezavisnih

kandidata podnese CIK BiH biće smatran važećim samo ako je potpisan od lica koja su u prijavi za ovjez političkog subjekta za učešće na Opštim izborima navedena kao lica ovlaštena za zastupanje i čiji je potpis deponovan kod CIK BiH.

Kako propizilazi iz stanja u spisu predmeta, CIK BiH je potpuno i pravilno utvrdila činjenično stanje u ovom predmetu, jer je utvrdila da je žalba potpisana od strane predsjednika političke stranke BPS-Sefer Halilović, a odnosi se na koaliciju „Zajedno za BiH“, za koju navedni predsjednik političke stranke nije ovlašteno lice za potpisivanje podnesaka u ime Koalicije. Iz tih razloga pravilno je postupila CiK BiH kada je žalbu imenovanog odbacila kao nedozvoljenu

Iz navedenih razloga apelaciono upravno vijeće Apelacionog odjeljenja Suda Bosne i Hercegovine, nalazi da je pobijana odluka Centralne izborne komisije Bosne i Hercegovine pravilna i zakonita a žalba neosnovana, pa je istu, primjenom odredbe člana 81. stav 1. Zakona o upravnim sporovima Bosne i Hercegovine („Službeni glasnik BiH“ br. 19/02 do 74/10) valjalo odbiti.

Predsjednik vijeća  
Sudija  
Mirsada Džindo